

武甯縣志卷七

武甯縣知縣粵東何慶朝纂



古蹟

閱世成古著蹟惟賢履枯雖微繫以苓榛山城窈窕景物幽妍柳黃接跡文酒流連褒榮洞壑黼黻林泉節坡義水鄭沼周圍一草一石精神寓焉雲霞無恙池館漸涇曰景其行思永其傳陵谷可易圖籍弗捐志古蹟

古艾城路史云穆鼎有艾侯武王俘艾侯佚侯所謂小國四百六是也皆商國艾城今在武甯郡縣志云分甯縣西北百里龍坪岡有艾城存焉左傳吳公子慶忌出居於艾後漢書劉陵艾人即此

武甯縣志

卷七

古蹟

一

四百五十八

侯君俘則國易是周世已無艾國舊志稱周平王以後武甯地屬艾子國者不知何所本詳其文義艾國為平王始封周室東遷政失其柄諸侯侵凌朝聘不時何暇撫茲南裔遠封艾子蓋緣春秋吳公子出居於艾遂疑是時有此國因而實之據路史則艾本侯爵不得稱子據左傳則艾亦吳邑不得稱國若慶忌時艾尚為國當云出亡出奔不得云出居於艾矣獨漢置艾縣由古艾地得名武甯甯州俱艾縣地甯州又分自武甯故路史直注艾城在武甯從其朔也其地則在今甯州之西州志云龍坪岡舊城遺址尚存至其為古艾侯城與為漢之艾縣城蓋不可考云

西平故城寰宇記云在武甯縣西二百九十里漢書鄧通西

平人卽此縣也隋省

按樂氏以西平爲漢縣城在武甯不記置縣年代縣志
州志並稱漢立西平縣亦不詳其城所在省志沿革不
言漢置西平而於古蹟依寰宇記探入據記所稱其城
當在州治西百餘里去艾城不遠今計武甯甯州建昌
三縣所轄疆域東西五百里強南北二百里弱中包崇
巖邃谷棄地爲多漢旣立艾海昏後分置西安又析海
昏爲建昌晉置豫章永修二縣而艾海昏建昌如故寰
宇記旣云西平至隋始省古今志又云西安至隋始廢
則是晉宋以來修江五百里內爲縣有七考晉志江西
全省之地分郡五得縣四十九其後有司言荆揚郡縣
疆土廣遠統理爲難何以豫章一郡建置繁密如此寰

武甯縣志

卷七

古蹟

二

五百〇七

宇記又稱吳太平二年以臨汝爲郡於郡南更置西平
縣是西平又屬臨川修水備考載唐武德四年隸洪州
總管府縣曰西平是西平又爲唐縣其間分合省併記
載家不無舛復從可知矣漢書載鄧通西平人今甯州
西鄉有鄧通故里徐筠修水志周季鳳甯對俱言漢有
西平或置縣未久遂易其名故不見於史志又古人字
有通用者如恒山亦稱常山高離通爲高麗是也有相
承而誤者如餘汙省作餘于新喻當作新渝是也而西
安古有要安之名豫章實本安甯之義曰安曰平義類
相從則西平西安一邑互稱原無改置亦理之所或有
西平爲縣不著於地志其故城遺址略無可考徐筠志
修水時已不能言其所在姑從舊文錄入略加叅訂以

補沿革之所未備

西安故城寰宇記云在武甯縣西二十里古今志云漢建安中置隋開皇間廢白志云今縣之高鄉西安里卽故西安縣治也吳朱然封西安鄉侯卽此地

按甯州志州治西十里有西安里爲西安故城所在寰宇記乃云在武甯縣西二十里何也從宋之分甯當云縣西十里從唐之武甯當云縣西百三十里樂氏所紀兩皆不合白志則直以甯州之高鄉屬今武甯是又相承而誤者然考西安城之當在武甯不當在甯州者有數說焉以地理言漢時艾縣在州治之西海昏居建昌之東二邑相去頗爲遼絕其後析海昏立西安必審度道里約取均平以便統轄則立縣之處不應偏置上游

武甯縣志

卷七

古蹟

三

五百〇三

隔海昏三百里而遠以分併言甯州之西安去艾城僅九十里其爲艾地無疑若西安縣城實在其處是分艾縣地所置矣何以職方乘寰宇郡縣諸志皆言析海昏立西安耶唐貞元中奏分武甯西八鄉設分甯於常州亥市卽今州治也西安爲縣入隋始廢貞元去開皇百九十年耳其城郭廬舍不至湮沒甚可因仍舊治乃不憚剔荆剪莽別圖新邑於舊城之東而李巽嚴朮等覆覈道里繪具圖經亦無一語及西安故縣者則州之西安里非漢之西安縣又可徵矣晉太康元年避武帝諱改西安爲豫甯是豫甯卽西安也唐長安四年新建昌置武甯縣治於西安里是西安里卽武甯縣也西安城之屬武甯章章如是特以職方乘有吳析海昏立西安

縣於高城鄉之西安里一語而甯州有高鄉西安里之名遂謂故城所在據爲實蹟不知武甯亦有西安里正在豫甯舊縣之西二十里則今之石口市是也與樂氏所記脗合但舊城遺蹟久湮雖復廣徵博訪不能強指一區以實之乃若其城之在武甯而不在甯州則固無可疑也

豫甯舊縣名勝志云武甯縣下南鄉甘羅村卽唐豫甯縣治景雲中所遷也

在今縣西二十里猶呼新縣

石鑊洞在縣南嚴陽山麓有石如鑊者二外方內圓相連若竈泉出其中不泛不涸云是嚴陽尊者制毒龍處中橫平崖一方書石鑊洞三大字筆法頗精右旁小字爲皇宋嘉

武甯縣志

卷七

古蹟

四

四百八十四

泰辛酉夏旱邑宰入洞祈雨隨車而應邦民感令君之誠獲龍神之貺周友直率劉鉉書於神水之旁命工勒石左書承議郎隆興府知武甯縣主管勸農營田公事兼兵馬都監毗陵吳蔣立刊者余鵬程其字至今尙朗列可指云按舊志又載石鑊在嚴陽山麓宋知縣吳彥夔鑄石鑊泉三大字今遍訪此山僅見石鑊洞石刻昭然泉出其中里人泉洞並呼因疑無二石鑊且馮志載宋知縣僅一彥夔梁志秩官列吳蔣云從石鑊泉刻增入益可証載吳彥夔刻石誤矣今併爲一條以核其實云

飲馬岡縣西六十里俗呼走馬岡宋將軍岳飛討平楊么取道武甯飲馬於此岡側舊有岳少保祠今廢

布石在青牛洞口云丁令威冲舉時遺巾於此化爲石石上

有繫纓痕亦落瓦挂屨之類也

伊叟舊宅縣西北三十里伊山之巔遺址至今存焉世傳秦時有伊叟者避地於此織屨置山下路人以米易屨去叟徐取米歸不與世接蓋隱君子也後叟於石湫中拾一卵五色晶瑩異而伏之歲餘產一龍騰波而去事詳軼事

丁令威故居在遼東山下舊傳丁仙沖舉處一統志云南有觀鶴橋北有禮星壇後人於壇址創丁仙觀

按遼東山在縣東三十里輿地紀勝及一統志所記皆合後人誤以山名作郡名故多稱令威遼東人且有遼

陽化鶴之說因月明華表遂易山名以實之遼東有華表

城樓柱也今作山名者誤其為緣飾博會者多矣道家修藏踪蹟隱

幻故山水名勝之區爭托焉而其人亦藉是以顯若丁

武甯縣志

卷七

古蹟

五

四百七十三

令威在武甯青牛紫鹿星壇鶴影遺蹟具在不可沒也

他如瓜源桃花峰皆丁仙燒煉之所詳見山川茲不備

錄

瓜圃縣東南八十里馮志稱後漢孫鍾種瓜處謂之孫鍾瓜

圃

鐵塚縣東五十里吳王峰俗傳吳王墓治鐵成墳草木不生

即仙人所指葬母處

按孫鍾即孫堅之父本富春人其種瓜餉客得地葬母

見於傳記者事頗不經陸氏又志其墓於桐廬已無定

在至武甯則去富春尤遠而宏治萬曆康熙三志皆詳

著古蹟若斬然可信者甚矣其鑿也然古人塚墓分見

數處者頗多雖不免於紕陋要亦無關得失節而錄之

以見循舊之意云

長岡山齊永明間得神鐘於此事載豫章書

柳渾讀書臺在柳山之陰有石平廣如臺可坐數十人唐宣城伯柳渾爲衢州司馬時棄官隱此與兄識及蕭定盧虛舟李勛袁高元巨諸人往復吟眺其上因名

康叔隱居縣東四十里青牛洞口唐建中間國子祭酒張甯字康叔與盧杞不合掛冠遠遊聞柳渾隱武甯遂訪勝入山至紫鹿岡青牛洞慨然曰紫鹿青牛非方外人不能狎因家焉書臺釣磯遺蹟尙在

鄭氏草堂宋處士鄭郊別業也在縣治東五百步看鶴橋側郊好學樂貧嘗濬池數畝種芙蓉千葉中養鴛鴦兩兩浮水上馴擾如家畜黃庭堅時相過從有詩云鴛鴦終日愛

武甯縣志

卷七

古蹟

六

四百六十一

水鏡菡萏晚風凋舞衣詳見豫章集今其池已爲溪水衝潰猶呼荷花塘云

東軒宋元祐間縣令呂晉天建於內署之東榜曰東軒瀆熙十年縣令洪欝重修更名絃歌堂黃庭堅有東軒銘載藝文今廢

足才閣在舊學講堂之陰宋縣令吳彥夔建以匪書者今廢棧華堂宣和門內數十步宋邑人周友賢宅也友賢兄弟八人並以文學顯累世同居友愛甚篤甯宗嘉之并御書其堂曰棧華咸豐四年棧華堂三字燬於兵又世德祠元至正間敕建廬陵劉鼎有記見藝文

尊賢坊縣治西百餘步宋周瀆頤嘗過此講學後人卽其地立坊以志景慕

廣心軒在古龍潭寺內今廢山谷記遊云元祐元年正月初三日黃魯直來訪謹上人明心靖公在焉經行此軒見巖陽積雪羣木參天心意豁然因署斯名今廢

四望亭縣西里許四望山之巔宋韓魏公有詩李文忠按部經此喜其岡阜傑出可覽四面溪山之勝因亭久廢命復建之紹興間知縣王甯感二公之賢更名曰勿剪亭今廢柳貞公祠堂在鄧埠柳山之陰宋紹興中里人陳功顯建中祀宜城伯柳渾以渾嘗讀書此山也旁闢齋舍以待學者亦稱柳山書院開慶間燬於兵功顯孫時章重建章丞相鑑記元末復燬成化丙午知縣馮琦捐修自爲記並見藝文祠旁有貞公井因公之謚柳山之名則因公之姓也

水月亭縣西一里許亭踞龍潭石鑄鑿石巖柱浮榭臨波風

武甯縣志

卷七

古蹟

七

五百

景清絕宋黃文節公與清上人鄭處士翫月石上相與構亭今亭廢蹟存

望江樓在長樂鄉宋處士盧祖愷能詩好客嘗於中潢瀕河建樓名曰望江集文人飲酒賦詩一時稱盛周應合有詩見藝文其孫德元築百花園袤廣十畝周植花木至今猶呼花園云

黌岡書院在長樂鄉宋吏部侍郎邢凱建凱號坦齋著有坦齋通編致仕歸構樓儲書萬卷曰黌岡書院教授子弟遠近文人會學往來不絕其故址卽今橫嶺名地雖殊古人流風餘韻可想見焉通編見四庫全書

極高明亭太平山頂宋道士章權孫建其峰削出雲表萬山環列伏若兒孫揭傒斯詩云但有日與月晝夜繞檐下蓋

紀實也

江狀元書臺縣東南八十里瓜源山中俗傳宋丞相江萬里讀書處又有狀元橋江公墓馮志記載頗多

按宋史萬里都昌人敘其祖父鄰里事蹟甚備公以舍選出身未嘗對策安得有狀元之名則所稱書臺已荒渺難據至公晚年避地饒州鑿池芝山榜曰止水元兵破城闔門殉節乃謂公墓亦在瓜源何其妄也

得所亭一名放生亭在映暉門外宋紹興間詔郡縣置放生池乾道元年縣令吳彥夔建亭池上楊无咎記遺址今不可考

溪園縣治南青雲街左宋承直郎周應合築北臨鶴溪南瞰修水神童四望諸山環列几闔爲一邑勝處今廢

武甯縣志

卷七

古蹟

八

四百六十一

溪園者周公應合別墅也園瞰鶴溪之上故名溪園應合上章劫賈似道謫歸遂築此園自署溪園先生昔人謂其亭池花石冠絕一時因歎應合干忤權相遷謫歸田猶得擅園亭之勝至今令人羨慕如此

默牕縣北官塘源邑人張天仁讀書處周植桂樹深秋花發滿室俱香今牕廢柱存

湧翠亭縣西三十里柳山之麓危峰峙側修水遶前岡巒複疊洲渚縈迴可攬西南諸峰之勝宋白玉蟾過此登眺彌日作記而去亭今廢

看鶴亭東水關內看鶴橋上舊傳丁仙化鶴來歸翱翔溪上每夜深月明水中見鶴影甚晰明邑人鄭尙華伐石爲橋建亭其上後廢康熙四年知縣馮其世重建後燬於火重

乾隆丁亥復建嘉慶十七年邑庠潘運第奉母葉氏命重修咸豐四年被兵焚燬

此君園在南鄉廉村宋處士葉開築陳閬仙詩云風度森蕭似此君青藜白羽華陽巾蒲鞵日涉成真趣自是淵明一等人

靖公井在縣東三十里靖公厓之東南世傳靖公上人所鑿水甘冽飲之可以已疾

喜雨亭縣北玉枕山前明洪武初知縣但元行盛文郁相繼遇旱禱於伊山隨車得雨建亭志喜吳伯宗記後圯成化乙巳知縣馮琦重建楊崇記今廢

文明閣在舊學官後宏治間知縣毛駿建築岡布樹規制稱善學使邵寶記其地今建尊經閣

武甯縣志

卷七

古蹟

九

雲龍書院萬曆癸未知縣程子侃建於縣城之東講堂一所齋舍四十餘間戊子知縣朱士佳以其地數患水遷置城西龍潭寺側今廢

保甯樓縣署後嘉靖辛丑知縣唐世惠建張寰記後燬於火康熙四年知縣馮其世重建更名躋甯湯民貞記乾隆十年樓圯知縣嚴在昌重修今廢

甲秀樓縣治東南文明門內萬曆四十五年知縣沈景初建黃汝亨記今廢

望江亭在河南渡口地勢高聳可以望遠成化間知縣馮琦建題咏甚盛南渡張氏重修

甘羅井縣城西南隅甘羅巷內今爲管井按邑下南鄉有甘羅村城內有甘羅坊甘羅堡甘羅巷

揆厥所由大都唐宋以前甘羅二姓聚族蕃盛故村坊井巷因以得名胡馮二志於古蹟則載甘羅故基於邱墓則載甘羅墓並稱秦相甘羅僑寓於此考甘羅垂髫仕秦未見廢逐安得越三千餘里而爲逋客且卒葬焉其說不經固無足辨乃數百年來轉相蹈襲編入八景纍纍題咏徒資有識軒渠今悉爲刪正姑志此井以塞耳食者之意云

試劍石有二一在縣東六十里箬溪上游一石臨河卓立數丈劃然中開相傳許遜逐蛟試劍於此一在縣西百二十里九宮山傳云是羽士張道清試劍處謝枋得有詩見藝文

按箬溪試劍石俗呼破石馮志稱黃庭堅舟過石下刻

武甯縣志

卷七

古蹟

十

四百七十一

水月雙清四大字其上嘗泊舟其處但見石勢嶙峋與江水相吞吐石上略無斧鑿痕豈土花侵蝕歲久漫沒一至此耶抑記載失實山谷所刻別有一石即徘徊江岸不勝今昔之感

煉丹臺一名丁仙岬在縣東三十里南山縣岬千仞鳥道盤雲流水曲折約數十渡乃陟其巔西北諸峰森然在目世傳丁令威煉丹其上山多桃樹春間盛開時望之如張錦然爲縣東勝境邑人余螭有記

丹井縣西四十五里鍾鼎山上舊傳呂巖燒煉之所有丹井丹竈石室石牀皆天然宛肖其下爲玉清宮右有黃婁洞洞石奇詭諸態悉備蒼林翠瀑應接不暇緣險而上得平地可丈許土人呼爲黃婁店云是黃婁賣酒處

按意土黃婁仙家寓言也純陽棲真於此因以名洞世以賣酒實之固矣

紫鹿岡縣東四十里世傳王喬乘紫鹿訪丁令威於此故名岡側多產鹿葱翠彌望

按王喬河東人初為葉縣令後煉丹於德安之昆崙山與青牛洞相隔不遠故有乘鹿訪丁之說馮志誤稱王子喬注云未詳何地人均失考訂

卓劍泉縣東五十里舊傳甘戰從許遜伐蛟經此渴甚戰拔劍插地有泉湧出味極甘冽後人即其地建甘泉觀

將軍陂即磨源陂旁有將鼓嶺縣南十里南唐侍郎盧儔屯田時所築灌漑頗饒後人德之立廟祀焉今陂存而廟廢矣

武甯縣志 卷七 古蹟 十一

三仙坡俗呼三仙切在太平山東偏峰巒秀削溪壑幽窄苦章自然採藥此山遇三仙人授以丹訣後得尸解故名坡側有廟舊立仙象後改祀土神揭後斯有詩見藝文

按揭文安集太平雜咏二十二首類皆奇石飛泉仙踪靈蹟世所罕觀者曼碩於此山可謂竭力張皇矣今相距四百年緣詩索景大半湮廢人存則地顯固如是耶然其上尚有雲關石船洗頭盆諸勝又為揭詠所未及者附錄於此以見茲山名勝無窮云

陶姚洞在九宮山側九宮志云晉時有陶姚二真人煉修洞內後皆仙去前有噴雪嵯飛瀑千仞迅若奔雷四時不絕真勝境也

鐵鑪故址在縣治西許旌陽部將邑人董晉兄弟鑄劍處今

卽其地建廟祀晉稱白馬廟

龍潭石縣西一里許石勢剝刻俯瞰深潭相傳許遜縛蛟於此宋謝存理篆龍潭二字斗大鐫石上今存盛文郁有詩見藝文

按馮志載龍潭清影爲山谷所書者互見軼事

梧桂林縣東南三十里石坪山宋邑人余規故宅規手植梧桐丹桂歲久成林至今滿山惟梧桂不生他木亦一異也古柏在縣廳東明知縣盛文郁手植虬枝鍊幹黛色參天盛宗齡有古柏歌後因咸豐甲寅兵燹樹燬無存又甘泉觀精靈觀前俱有晉朝柏樹兩株

義溪縣西一百里溪上有周姓者七世同居家範整肅人以方江州陳氏云

武甯縣志

卷七

古蹟

七

四百五十

連理松縣東南四十里橫嶺路旁有松二株合爲一幹交柯攢翠垂蔭數畝蓋千年物也余長祚諸人有題咏

合石壠縣西十五里五塘衝石窩山明貞女盛善才葬處墓側有二石廣數丈葬後兩石相合如覆鐘然

紗帽山縣治西三百步明知縣盛文郁嘗以九日會賓僚賦詩飲酒其上有龍山落帽之概後人因以名山

尚義坊映暉門內宏治庚午邑人盛璟盛璽鑿七里山路訓導沈秀立坊旌之署曰尚義教諭洪世傳記見藝文

孝井儒學櫺星門之東明教諭朱璣鑿以養親者地本高亢掘土十尺得泉甘冽異於他處人以璣至性所感至今稱孝子泉云嘉慶己卯間廢爲智井道光三年監生盛學烹浚井如故

交蘭巷縣治南百餘步明邑人盛蘭所居蘭爲諸生好種蘭善鼓琴不妄通賓客專闢一巷以待良友因名交蘭

賓陽莊縣東四十里邑人余弼別業也面南山枕修水壘土爲垣循岡疊石引泉灌渠亭臺錯出中有午河憩石來賓堤遲仙嶺筠雪樓松花塢爲溪山絕勝處日會諸名士賦詩其中有賓陽唱和一卷鷓子長祚有賓陽雜咏二十首見藝文

梅花園縣南一里羊角山邑人盛宗齡築種梅數百株紅白掩映香聞數里時稱小孤山

孝烈坡縣西南九十里橫塘山側明末流寇掠南鄉葉氏婦隨姑逃避姑行遲被縛婦覺趨赴賊所賊艷其色誘之婦給賊曰釋吾姑當隨汝賊縱其姑欲脅婦大罵騰躍而

武甯縣志

卷七

古蹟

三

四百九十

死事詳列女汪軻有孝烈坡歌

寒泉樓縣治東二百步古朝元宮前邑人潘儻建樓跨井而豁其中每賓友登樓以輓轆引泉煮茗題咏甚盛余長祚有寒泉樓詩今樓廢井存

烈女嵯縣西七里山側明末盛彌俊女年十五爲流賊所執女慢罵求死賊弗忍又驅行至嵯畔女大罵投嵯而死

雙桂堂縣治西百步南臨鶴溪邑人林維翰建中有古桂二株婆娑如偃蓋盛宗齡詩云堂前花正開甕底酒初熟一卷南華經琅琅月下讀

栢澗縣治東南六十步邑人陳玠築室鶴溪上植栢數十本環列溪岸自號栢澗居士萬厯間溪水暴漲栢盡拔旁有桂樹一株獨存玠孫良謨構軒桂側讀書更名桂花書屋

釣磯迴溪銅坑厓之陽邑人余弼垂綸處巨石壁立俯瞰溪流潭深丈許秋寒水碧遊魚可數爲邑東眺覽勝處以上俱本

志

武安山寨縣南二十里山以寨得名元至正間邑人胡紹遠兄弟團練鄉兵與陳友諒相拒時所立其山四面如削一徑中通上得平地廣十餘畝因山爲城壘土爲門部署齊整遺址猶存舊志

挂劍松 懸囊柏 在縣西北六十餘里世傳旌陽經遊於此愛其山水明秀嘗憩息焉遂以神劍挂松藥囊懸柏其後松幹如虬柏枝似蓋土人采藥療疾服訖即愈今俱不存後人即其地建道場以祀真君曰淨明寺明經余尚楚詩水淨山明道脉長噉噉靈鳥咏仙鄉囊懸翠柏傳千古

武甯縣志

卷七

古蹟

四

四百六十五

劍持蒼松鎮八荒云道遙山志

飛來峰俗呼瀟山在縣城對岸世傳旌陽捕蛟至長樂鄉知其地有妖氛用劍劈土土擲飛五十餘里至此墜落遂成一峯今存邑庠余學魯詩秀插江干鎖鑰長琴堂分韻入

詩床漁燈上下金杯冷龍劍依稀玉殿涼禁鼓樓頭聲簡簡山鐘院落韻鏘鏘孤峰却憶飛來晚萬里明霞煥錦章

道遙山志

節婦潭縣南里許湫洲側宋戴復古妻捐軀處事詳元史節婦有絕命詞見藝文

按府志外傳云細繹本傳似多疑竇何以遊客尙著姓名而以女妻之者反無里氏且詞傳而名不可攷其死又非猝遇兵寇憐才之父諒必大書特書以彰不朽如

以氏論婦人從一而終何難隨夫偕往即父怒不許往
在復古又何難與之相約如晉公子待我二十五年不
來而後嫁故事而必令之死孰爲逼之歟且貽石屏以
薄倖名恐非婦心也事涉傳奇不便參伍于諸節烈賢
孝中此言誠是第舊志載此事凡五見山川古蹟庶
賢列女藝文未
便遽刪故特總辨於此至其爲宋人非元人已見四庫
書目及宋詩鈔

淹戊蓋今廢
附跋

淹戊蓋者在縣西玉清宮老子居右乾隆五十五年譚古
愚大中丞巡撫雲南具幣徵張處士閻楊謨訂經史鈔居
隘處士姑表邑庠生陳懷斬東阜之松作蓋位之詒額榜
門迄今十四年矣平彝令王七宣父北上過蓋有將頽之

武甯縣志

卷七

古蹟

五

四百九十一

懼屬處士友人方洋及弟子舉人瀚補葺予維表賢士大
夫百午一日之舉守土職也守之固之又在道士四鄰附
書門額用勸來者嘉慶八年閏月日知武甯縣事陸涼劉
照藜謹跋

石鼓 在順義鄉三十四都明時范原泰卜居薤草荒原掘
井得石鼓滌之有班隱隱見蝌蚪文原泰位之井底因名
其里曰石鼓嘉靖間郡庠范瓚淘井出觀之作石鼓歌
國朝范伯澗有後石鼓歌並紀其異

七姑嶺石泉縣南四十里

按濫泉正出沃泉下出此泉獨出嶺上石中不竭不溢里
人置杯其中任人取飲歲旱禱雨輒應邑人葛青園有詩
曰石泉斗大誰云小日飲千人汲不了疑是洞天仙掌懸

鑿開方寸胡盧表

螺螄石 在順義鄉小田源口一石屹立空其中形如螺與
源水相吞吐隱然有樂作聲響澈空谷

武甯縣志

卷七

古蹟

六

二十七